

## ಯೋಹಾನನು ಬರೆದ ಎರಡನೆ ಪತ್ರ ಯೋಹಾನಾನಿ ಲಿವಲ್ಯಾಲ ದೊನ್ನ ಪತ್ರ ವಳಕ್

ಯೋಹಾನಾನಿ ಲಿವಲ್ಯಾಲ ದೊನ್ನಪತ್ರ ಅಪೊಸ್ತಲ ಜಾಲ್ಯಾಲಾ ಯೋಹಾನ್ ಕ್ರಿಸ್ತ ಜಲಾಮಲ್ಯಾವ ಪನ್ನಾಸಾಸ್ತಿ ಶಂಬರ್ ವರ್ಸಾಂಚೆ ಮದಿ ಲಿವಲ್ಯಾ ಯೋಹಾನಾನಿ ಆಪ್ಲಿನ್ ಲಿವಲ್ಯಾ ಮನ್ವುನ್ ದಾವುನ್ ದಿಲ್ಯಾಲ ನಾಹಿ, ಹ್ಯಚೆ ಬದ್ಲಿನ್ ತ್ಯೊ ಆಪ್ಲಿ ಯೊಕ್ ಜಾಂತಾ ಆಸಾ ಬುಲುನ್ ಗೆಥೊ 1:1 ಯೋಹಾನಾಚಾ ದೊನವ್ಯಾ ಪರ್ತ್ಯಾತ್ ಯೋಹಾನಾನಿ ಲಿವಲ್ಯಾಲೆ ಬರೆ ಖಬರಿತ್ ದಿಸುನ್ ಯತ್ಯಾಲೆ ಗುಸ್ತಿತ್ ಖುಬ್ ಜವಳ್ ದಿಸುನ್ ಯತ.ಲತ್ಯ ಹ್ಯ ಯಕಾಮಕಾಚಿ ಮಾಯಾ ಕರಾ ಮಂತ್ಯಾಲೆ ಯೆಸುಬಿ ಆಪಲ್ಯಾ ಹುಕಮಾ ಶಾರ್ಕಾ ಚಾಲಾ ಮಂತ್ಯಾಲೆ ಗುಸ್ತಿಂಚಾ ವಿವರನ್ ಕರತ್ಯಾಚೆಗತ್ ದಿಸುನ್ ಯತ 1:5-6,ಯೋಹಾನ್ 15:1-9 ಯೋಹಾನಾನಿ ಲಿವಲ್ಯಾಲೆ ಬರೆ ಖಬರ್ ಆನಿ ತ್ಯಚಿ ತಿನ್ ಪತ್ರಿ 1, 2, ಯೋಹಾನ್ ತ್ಯೊ ಎಪೆಸಾತ್ ಆಸ್ತಾನಾ ಯೋಹಾನಾನಿಸ್ ಲಿವಲ್ಯಾ ಆಸಾ ಇಸ್ಪಾನ್ ಹುತಾ.

ಯೋಹಾನಾನಿ ಹ್ಯ ಪತ್ರ ನಿವಡಲ್ಯಾಲೆ ಬಾಯಿಲ್ಮಾನುಸ್ ಆನಿ ತಿಚಾ ಪೊರಾಂಚಾ ಉದೆಸಾನಿ ಲಿವಲ್ಯಾತ್ಯನಿ ಹ್ಯ ಯಕಾ ತಂಡ್ಯಾಲಾ ಲಿವಲ್ಯಾ ಲಬಾಡ ಸಿಕಿವತ್ಯಾಲ್ಯಾ ತಂಡ್ಯಾಚೆ ಗುಸ್ತಿತ್ ಉಮೆದ ದಿಯಾಚಾ ಉದೆಶಾನಿ ಯೋಹಾನಾನಿ ಹ್ಯ ಪತ್ರ ಲಿವಲ್ಯಾ

### ಭಾಗ್

1. ಯೋಹಾನ್ ವಾಚಿವತ್ಯಾಲ್ಯಾನಾ ನಮಸ್ಕಾರ್ ಕರಿತ್ ಆನಿ ಕುನಾಸಾಟಿ ಲಿವಲ್ಯಾ ಮನಹುನ್ ಸಾಂಗಿತ್ ಪತ್ರಾಚಿ ವಳಕ್ ಕರುನ್ ದೆತೊ 1:1-3
2. ಮಂಗೆ ತ್ಯೊ ತಂಡ್ಯಾಲಾ ಉಮೆದ್ ದೆತೊ ಆನಿ ಲ ಕಿಮ್ತಿಚಾ ಹುಕುಮ್ ತ್ಯನಾ ಯಾದ್ ಕರುನ್ ದೆತೊ 1:4-6

3. ಮಂಗೆ ತ್ಯೊ ಲಬಾಡ್ ಸಿಕಿವನಾರ್ಯಾಂಚೆ ಆಡ್ವ ತ್ಯನಾ ಶಾನತ್ ದೆತೊ 1:7-11
4. ಯೋಹಾನ್ ಆಪ್ಲಿ ಜಿವ್ವಾ ಕರ್ತ್ಯಾಲ್ಯಾ ಜಾಗ್ಯಾವಲ್ಯಾ ಇಸ್ವಾಸಿ ಲೊಕಾನಾ ನಮಸ್ಕಾರ್ ಸಾಂಗಿತ್ ಪತ್ರ ಸಪಿವತೊ 1:12-13

<sup>1</sup> ಸಬೆಚಾ ಜಾಂತಾ ಜಾಲ್ಯಾಲಾ ಮಿ, ದೇವಾನಿ ನಿವಡ್ಲ್ಯಾಲ್ಯಾ ಆಯಿಸನಾ ಆನಿ ತಿಂಚಾ ಪೊರಾನಾ ಲಿವಾಚ್ ಕ್ಯಾ ಮಂಜೆ;

<sup>2</sup> ತುಮ್ಮಿಪ ಆಸ್ಲ್ಯಾಲ ಆನಿ ಖಾಯಿಮ್ ಆಪ್ಲಿ ಸಂಗ ಆಸ್ಲ್ಯಾಲ್ಯಾ ಖರ್ಯಾಸ್ ಲಾಗುನ್, ಮಿ ತುಮಾನಾ ಖರ್ಯಾನಿ ಮಾಯಾ ಕರ್ತೊ. ಮಿ ತ್ಯವ್ಡಾಸ್ ನವ್ವ ಖರ್ಯಾಚಿ ಮಾಯಾ ಕರ್ತ್ಯಾಲಿ ಸಗ್ಳಿ ತುಮಾನಾ ಮಾಯಾ ಕರ್ತ್ಯಾತ.

<sup>3</sup> ಬಾ ದೇವಾಪ್ಲಿ, ದೇವಾಚಾ ಲ್ಯೊಕ್ ಜಾಲ್ಯಾಲ್ಯಾ ಯೇಸು ಕ್ರಿಸ್ತಾಪ್ಲಿ ಕ್ರಪಾ, ದಯಾ, ಥಂಡ್ವನ್, ಖರ, ಮಾಯಾ ಖಾಯಿಮ್ ಆಪ್ಲಿ ಸಂಗ ರಾವ್ತುನಿ.

### ಖರ ಆನಿ ಮಾಯಾ

<sup>4</sup> ಬಾಪ್ಲಿ ಆಮಿ ಗೆತಲ್ಯಾಲೆ ಆಜ್ಞೆ ಶಾರ್ಕ, ತುಮ್ಮಾ ಪೊರಾತ್ಲಿ ಥುಡಿ, ಖರ್ಯಾನಿ ಚಾಲತ್ಯಾಲಿ ಬಗುನ್ ಮಿ ಖುಬ್ ಸಂತೊಸ್ ಜಾಲಾ.

<sup>5</sup> ಐಸಾನು, ಮಿ ನವಿ ಆಜ್ಞೆ ತುಮಾನಾ ಲಿವಿತ್ನಾಹಿ, ಆಂದಿ ದರ್ನಿ ಆಮಾನಾ ಆಸ್ಲ್ಯಾಲಿ ಆಜ್ಞೆ ತುಮಾನಾ ಲಿವ್ವಾರಾ ವ್ಹವುನ್; ಆಮಿ ಯಕಾ ಮಕಾಚಿ ಮಾಯಾ ಕರುಯಾ ಮನ್ಶಾ.

<sup>6</sup> ದೇವಾಚೆ ಆಜ್ಞಾಂಚೆಗತ್ ವಾಗಾಚೆಸ್ ಮಾಯಾ ಜಾಲೆ. ಮಾಯೆನಿ ಚಾಲಾಯಾವ್ತಾಯಿ ಮಂತ್ಯಾಲಿಸ್ ತುಮಿ ಪೈಲೆ ದರ್ನಿ ಐಕ್ಲ್ಯಾಲಿ ಆಜ್ಞೆ ಜಾಲೆ.

<sup>7</sup> ಕಾ ಮಂಜೆ, ಯೇಸು ಕ್ರಿಸ್ತ ಮಾನುಸ್ ವ್ಹವುನ್ ಆಲಾ ಮನ್ಶುನ್ ಹುಮನಾಚೆ ಆಂದಿ ಆಸ್ಲ್ಯಾಲಿ ಖುಬ್ ಗಾತ್ ಕರ್ನಾರ ಲೊಕಾತ್ಲಿ ನಿಗುನ್ ಆಲ್ಯಾತ. ಆಸ್ಲಸ್, ಯೇಸುಲಾ ಮಾನಿತ್ ನಸಲ್ಯಾಲ ಗತ್ ಕರೀತ್, ಕ್ರಿಸ್ತಾಚ್ ವಾದಿ ಜಾಲ್ಯಾತ.

<sup>8</sup> ತುಮಿ ಖಟ್ಟಟ್ ಕಾವುನ್ ಕೆಲ್ಯಾಲಿ, ಸಾಂಡುನ್ ಗಿಹ್ಯಾಚೆ ಆಂದಿ ಪುರ ಪ್ರತಿ ಫಳ್ ಗಿಹ್ಯೆಸಾರ ಜಾಗ್ರುತ್ ರಾವ್ತಾ.

<sup>9</sup> ಕ್ರಿಸ್ತಾಚಾ ಶಿಕ್ಷನಾತ್ ರಾಹ್ಯಾಚೆ ಆಂದಿ ತ್ಯ ವಲ್ಯಾಂಡುನ್ ಜಾನಾರ್ಲ್ಯಾಲಾ ದೇವ್‌ನಾಹಿ. ತ್ಯಾ ಶಿಕಿವನ್ಯಾತ್ ರಾನಾರ್ಲ್ಯಾಲಾ ಬಾಚಿ ಆನಿ ಲೆಕಾಚಿ ಮಾಯಾ ರಾತಿ.

<sup>10</sup> ಹ್ಯ ಶಿಕ್ಷೆನ್ ವಲ್ಯಾಂಡ್ನಾರಾ ಕೊನ್ತರಿ ತುಮ್ಮಿಪ ಆಲಾತ ತ್ಯಲಾ ಗರಾಡ್ತ್ ಗಿಹುನಕೊಸಾ. ತ್ಯಲಾ ಬರ ವ್ಹವುನಿ ಮನ್ವುನ್ ಸಾಂಗು ನಕೊಸಾ.

<sup>11</sup> ಕಾ ಮಂಜೆ, ತ್ಯಲಾ ಬರ ವ್ಹವುನಿ ಮನ್ವುನ್ ಸಾಂಗ್ನಾರಾ ತ್ಯಚಾ ಬುರ್ಶಾ ಕಾಮಾತ್ ಹಾ.

### ಸರ್ತ್ಯಾ ಬೊಲ್ಯಾ

<sup>12</sup> ತುಮಾನಾ ಲಿವಾಯಾ ಮನಾ ಖುಬ್ ಗುಶ್ಟಿ ಆಸ್‌ಲ್ಯಾತರಿ, ತ್ಯಾ ಸಾಯಿನಿ ಕಾಗ್ಡಾವ ಲಿವುನ್ ಸಾಂಗಾಯಾ ಮನಾ ಮನ್ ನಾಹಿ. ಫನ್, ಮಿ ತುಮ್ಮಿಪ ಯವುನ್, ತುಮ್ಮಿ ಸಂಗ ಬೊಲಾಯಾ ಆಶಾ ಕರ್ತೊ. ತವಾ, ತುಮಚಾ ಸಂತೊಸ್ ಪುರ್ನ ವ್ಹಯಿಲ್.

<sup>13</sup> ದೇವಾನಿ ನಿವಡಲ್ಯಾಲೆ, ತುಮ್ಮೆ ಬನ್ವಿಚಿ ಪೊರ ತುಮಾನಾ ನಮಸ್ಕಾರ್ ಸಾಂಗ್ನಾರ್.

**ದೆವಾಜಿ ಖರಿ ಕಬರ್**  
**The New Testament in the Gowli language of India,**  
**Devanagari script. ದೆವಾಜಿ ಖರಿ ಕಬರ್ (Bible)**

copyright © 2023 The Word for the World International and Gowly Marathi Translation Samti, Karnataka

Language: (Gowli)

Contributor: The Word for the World International

**ದೆವಾಜಿ ಖರಿ ಕಬರ್**  
**ನವಾ ಕರಾರ್, 2023**

The New Testament in Gowli Marathi Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

---

PDF generated using Haiola and XeLaTeX on 2 May 2025 from source files dated 3 May 2025

c4461ecc-9ab5-5edc-b62d-034ac186b922